

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Pretiosa Blesillæ, & S. Ioannis Eleemosynarij, pauperumq[ue] mors.

urn:nbn:de:hbz:466:1-45699

non formidemus, sed unusquisque nostrum bellum gerat pro viribus, & deceret, ut perfectus athleta. Nam siue moriamur, moriemur ut perfecti: siue vivamus, vivemus ut iusti. Quod si etiam moriamur, moriamur propter nostrum Salvatorem Iesum Christum. Cum ergo ensis dedit vitam, adeste, & eum rapiamus. Et quoniam micat gladius, aeterna vita opes nobis comparemus. Quam diu enim est dies, celeri pede pergam ad mansionem regni celestis, ut abundantiorem honorem, & gloriam aeternam consequamur, & omni futura generatione vobis nomen & gloriam relinquamus. Fratres, oremus Deum nostrum, ut citio nobis impat hanc visionem. Nam cum gaudio & desiderio, & magno amore accipit spiritualis aduentum talis mortis: neque timuerit aliquis, qui fuerit preparatus. Carnali autem est terribilis, & formidans eius aduentus. Spiritualis non timet mortem, ut qui vitam possideat spiritalem. Carnalia vero caligat, & tremit, ut qui carnalem vitam habeat. Quis sunt vires boni, prompti, & alacri animi studio, talem mortem persequuntur, ut ex ea vitam aeternam possideant. Qui sunt autem ignati & pigri, iij, eà via, se abscondunt. Qui Deum diligunt, ad Deum excecerunt. Qui verò mundum, manent in mundo. Illi quidem resoluti ad latitiam, & exultationem, hi autem ad afflictiones, & suspiria. His verbis S. Sadoc se, & centum viginti octo de clero, ita accendit, ut omnes, sub Sapore, laetantes, & cantantes, & Deo gratias agentes, catenati ad mortem current. Nam ferro, non affectu alligati, à paupertate sua, ad celestes diuitias, liberè, sponteque properauerunt.

VII.

D. Hieron. in lam consolatur D. Hieronymus. Lugeatur mortuus, sed ille, quem vita S. Blesilla viduæ gehenna suscipit, quem tartarus devorat, in cuius pena eternus ignis estuat. Nos quorum exitum Angelorum turba comitatur, quibus obuiam Christi occurrit: grauemur magis, si diutius in tabernaculo isto mortis habitemus. Quia quam diu hic moramur, peregrinamur a Domino. Illa, illa nos cupido teneat: Hei mihi, quia peregrinatio mea prolongata est a me, habitancum habitantibus Cedar, multum peregrinata est anima mea. Si Cedar tenebra sunt, & mundus iste sunt tenebra, quia lux lucet in tenebris, & tenebra eam non comprehendunt: famam Blesilla nostræ, que de tenebris migravit ad lucem, & inter fiduciipientis ardorem, consummati operis percepit coronam. Reuera sisculare desiderium; & quod Deus a suis auertat, delicias vita huic cogitamus,

2. Cor. 5:
Psal. 119.

Ioan. 1.

gitantem, mors immatura rapnisset, plangenda erat, & omissa lachrymarum fonte ploranda. Nunc verò, cùm propitio Christo, ante quatuor ferme menses, secundo quodammodo se baptismō lauerit, & ita deinceps vixerit, ut calcato mundo, semper monasterium (et in eo voluntariam paupertatem) cogitārit, non vereris, ne tibi Salvator dicat: *Irasceris, Paula, quia tua filia, mea facta est filia?* *Indignaris de iudicio meo,* & rebellibus lachrymis facis iniuriam possidenti? Scis enim quid de te; quid de ceteris tuis cogitem? Huc usque Hieronymus, qui morte Sanctorum usque adeò felicem ac pretiosam esse iudicauit, ut ne mater quidem filiae obitum debeat deplorare. Ioannes Patriarcha Alexandrinus, qui pauperes Dominos suos appellabat, morte instanti, misericorditer tabatur, dum gratias Deo ageret, quod morienti sibi nihil supereret, prater unum nummum, quem statim indigenti dari iussit. Annuunt quippe illi patriarchatus vestigia, annuunt in egenos eleemosynæ erant, nihil sibi reseruanti, prater Christum. Neque enim quicquam aliud suum esse dicebat, asserens, ideo sacerdotibus neque possessionem, neque partem, neque hæreditatem inter reliquas tribus datam, quoniam pars & hæreditas, & possesso eorum est Dominus. In summa, teste Ioanne Climaco, *Probatu* *lus ille est,* qui mortem diebus singulis expectat, sed ille sane sanctus, *scala celi,* qui hanc horis singulis desiderat; quod faciunt pauperes spiritu, quia grad. 61. aliquid lætius sperant, post mortem, secuturum. *Neg enim, ana* *ra angustaq; Christianorum religio est,* inquit S. Franciscus Xauerius, *et diligenter ut Bonziorum: non excludit calo pauperes, non mulieres, si mo* *ris Christianæ pieq; vixerint;* quibus tamen Bonziorum siue auaritia, siue supersticio, cali iter interclusit.

Ioan Diae. in
vit. S. Greg.
Magn. lib. 2

Io. Climac. in
scala celi,
grad. 61.

Horat. Tur-
sellin. lib. 4.
c. 5. de vita S.
Franc. Xau-
erii.

CAPVT X.

*Pauperum diuitias esse regnum ealorum, quod non solum
ipsis promissum, sed etiam aliis per ipsos.*

Merito censeretur gratia divina eos supra naturam suexisse, qui mortem, quam natura horret, non solum, diebus singulis, expectant, verum horis singulis desiderant. Tales ergo cùm sint pauperes spiritu, conficitur paupertatem in beneficijs esse numerandam. Et quidem cur pauperes mortem non formident, sed ament, satis est declaratum; ut enim auari, per-

I.